



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

X. Conceditur P. Guardiano Sancti Sepulcri Ordinis Minorum de
Observantia, ut absentibus Episcopis Latini Ritus, valeat conferre
Sacramentum Confirmationis cum Oleo, & Chrismate a Catholico Antistite

...

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

ANNO
1740.

dicta Particularis Congregationis a Nobis, ut præferatur, erecta, & instituta Prælatos eorundem tenore præsentium deputamus, nominamus, & constituimus; eosdem autem Prælatos a Nobis, ut supra, deputatos, & a Romano Pontifice pro tempore deputandos, præfate Congregationi S. R. E. Cardinalium ejusdem Tridentinae Synodi Decretorum interpretum Apostolica auctoritate prædicta ita adjungimus, & subjeçtively aggregamus, ut eidem Congregationi tamquam membra capiti in præmissis obsequantur, & in commisso sibi munere suffragentur; Proptereaque Nos eorundem Prælatorum Particulari Congregationi Præfectum dilectum filium Nostrum Antonium Xaverium Tituli S. Stephani in Monte Caelo ejusdem S. R. E. Presbyterum Cardinalem de Gentilibus nuncupatum, modernum Congregationis prædictæ Cardinalium Decretorum Concilii interpretum pariter Præfectum, Secretarium vero Venerabilem Fratrem Carolum Albertum Guidobonum Cavalchini Archiepiscopum Philippensem etiam modernum ejusdem Congregationis Secretarium, eorumque in Præfecturâ, & Secretarii respectivè munere Successores itidem perpetuò constituimus, & deputamus. Insuper quia opportunum, & congruum arbitramur, ut is, qui eidem Congregationi S. R. E. Cardinalium Decretorum Concilii interpretum in latinis literis Episcopis rescribendis operam præbet, de rerum tractationibus in particularibus prædictorum Prælatorum Conventibus, seu Congregationibus habendis plene sit instructus, ad hoc, ut per eum prædictæ Congregationis Cardinalis Præfectus eidem Fratribus Episcopis, aliisque Præsulibus supradictis, eorumque potissimum postulatis diligentius, ac commodius possit satisfacere, volumus, & eadem Apostolica auctoritate statuimus, ut dilectus quoque filius Magister Æneas Silvius Piccolomineus, qui nunc est, & qui fuerit deinceps, eidem Congregationi latinarum Epistolarum hujusmodi a Secretis, in eorundem Prælatorum Conventibus, seu Congregationibus locum habere, & personaliter interesse, non tamen in eis votum ferre, possit, & valeat.

Cardinalis
Præfecti.

Secretarii.

Et illius, qui
Congrega-
tionis nomi-
ne, ad Epil-
copos, a hos-
que Præsules
rescribet.Clausulæ fa-
lutaris.Fides tran-
scriptis ha-
benda.

Sanctio.

Dat. die
23. Novem-
bris 1740.

S. 4. Non obstantibus quacumque contraria consuetudine, quam ad præmissorum effectum, quatenus opus sit, abrogamus, & abolemus, & abrogatam, & abolitam esse volumus, necnon quibusvis Constitutionibus, & Ordinationibus Apostolicis, cæterisque contrariis quibuscumque. Ut autem hæc omnibus innotescere possint, volumus, & mandamus, ut præsentium exempla etiam impressa, & manu Cardinalis Præfecti supradicti subscripta, ejusque Sigillo munita eandem ubique locorum fidem faciant, quam præsentibus facerent, si in medium exhibitæ essent, vel ostensæ. Nulli ergo omnino hominum liceat hanc paginam nostræ voluntatis, Constitutionis, Ordinationis, Decreti, Statuti, Ereccionis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, & BB. Petri, & Pauli Apostolorum ejus se noverit incursurum.

Datum Romæ apud S. Mariam Majorem Anno Incarnationis Dominice millesimo septingentesimo quadragesimo, Nono Kalendas Decembris, Pontificatus Nostri Anno Primo.

P. Card. Prod. D. Card. Passioneus.

VISA DE CURIA.

N. Antonellus.

I. B. Eugenius.

Loco ✱ Plumbi.

Registrata in Secretaria Brevium.

Publicat. die xv. Decembris ejusdem anni.

Indulgentiæ, seu Relaxationes centum dierum de injunctis, seu debitis Pœnitentiis, pro recitantibus flexis genibus singulis Feriis Sextis quinquies Orationem Dominicam, & toties Salutationem Angelicam, ad sonum Campanæ, hora Tertia post meridiem, in memoriam Passionis, & Agoniæ Domini Nostri Jesu Christi.

BENEDICTUS PAPA XIV.

Ad perpetuam rei memoriam.

AD Passionis & Agoniæ Redemptoris, & Domini Nostri Jesu Christi, unde nobis vita, salus, & resurrectio manavit, memoriam in omnium Christianorum animis excitandam atque fovendam Cœlestibus Ecclesiæ Theauris, quorum dispensationem Nobis credidit Altissimus, omnibus & singulis Christianis, qui singulis Feriis Sextis totius anni, hora tertia post meridiem, ad sonum Campanæ Ecclesiarum Metropolitanarum, Cathedralium, & Parochialium (quarum Parochis, Rectoribus, aliisque quocumque nomine appellatis Superioribus, ut Campanam uniuscujusque Ecclesiæ hujusmodi pulsari faciant, injungimus, & in virtute sanctæ obedientiæ mandamus) flexis genibus quinquies Orationem Dominicam, & toties Salutationem Angelicam devote recitaverint, & oraverint, ac pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione, necnon salutari perditorum hominum emendatione pias ad Deum preces effuderint, centum dies de injunctis eis, seu aliis quomodolibet debitis pœnitentiis in forma Ecclesiæ consueta relaxamus, præsentibus perpetuis futuris temporibus valituris. Volumus autem, ut earundem præsentium literarum transcriptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 13. Decembris 1740. Pontificatus Nostri Anno Primo.

D. Cardinalis Passioneus.

Conceditur P. Guardiano Sancti Sepulchri Ordinis Minorum de Observantia, ut absentibus Episcopis Latini Ritus, valeat conferre Sacramentum Confirmationis cum Oleo, & Chrismate a Catholico Antistite benedictis.

BENEDICTUS PAPA XIV.

Ad futuram rei memoriam.

CUM ad infrascriptam Cardinalium Congregationem delatum fuerit dubium: An Custos & Guardianus Sancti Sepulchri Domini Nostri Jesu Christi, ex speciali hujus Sanctæ Sedis delegatione, & vigore nonnullorum privilegiorum per dilectos filios Superiores Ordinis Fratrum Minorum Sancti Francisci de Observantia nuncupatorum exhibitorum, necessarias facultates habeat conferendi Sacramentum Confirmationis: Nos pro commissa Nobis cœlestis Pastoralis Officii cura, omnes difficultates, ac in posterum dubitandi hac in re occasionem tollere cupientes, ac dilectum filium Paulum a Laurino Fratrem expresse professum dicti Ordinis, ac Custodem, & Guardianum dicti Sancti Sepulchri, specialiibus favoribus & gratis prosequi volentes, & a

ANNO
1740.
IX.Dat. die
23. Decem-
bris 1740.

X.

Dubium su-
per facultate
conferendi
Sacramen-
tum Confir-
mationis,
delatum ad
Congrega-
tionem S.
Officii.

ANNO
1741.

Pontifex,
cum illius
Voto, facultatem
controverfam
concedit
cum conditionibus
oportunis.

Non obstantibus
quibuscumque.

Dat. die
9. Januarii
1741.

XI.

quibusvis Excommunicationis, Suspensionis, & Interdicti, aliisque Ecclesiasticis sententiis, censuris, & pœnis a jure vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum, harum serie absolventes, & absolutum fore censentes, auditis votis Venerabilium Fratrum Nostrorum S. R. E. Cardinalium in tota Republica Christiana adversus hæreticam pravitatem Generalium Inquisitorum auctoritate Apostolica deputatorum, eidem Paulo Custodi, & Guardiano ejusdem Sancti Sepulchri, durante ejus Officio, & pro Locis Terræ Sanctæ hujusmodi, ubi non erunt Episcopi Ritus Latini in propria Diœcesi residentes, potestatem, & facultatem conferendi Sacramentum Confirmationis hujusmodi Oleo, & Chrismate etiam antiquis, si nova haberi non possint, per Catholicum Antistitem gratiam, & communionem Sedis Apostolicæ habentem benedictis, dicta auctoritate, tenore præsentium concedimus, & delegamus; salva tamen semper in præmissis auctoritate memoratæ Congregationis Cardinalium. Non obstantibus præmissis, ac Apostolicis, & in Universalibus Conciliis editis generalibus, vel specialibus Constitutionibus, & Ordinationibus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 9. Januarii 1741. Pontificatus Nostri Anno Primo.

Consecratio Joannis Petri Meindarts intrusi in Archiepiscopatum Ultrajectensem damnatur, atque excommunicationis & suspensionis censura in ipsum edicitur.

*Dilectis Filiis Catholicis in Federato
Belgio commorantibus.*

BENEDICTUS PAPA XIV.

Dilecti Filii salutem, & Apostolicam Benedictionem.

Ostenditur
pervicacia
Joannis Pe-
tri Meindarts
nulliter
electi, &
censuris ir-
retiti.

Qui tamen
Consecratio-
nem suscepit.

Adhortatio
ad Fideles
in Federato
Belgio commorantes.

AUERT Pastoralem nostram sollicitudinem filius iniquitatis Joannes Petrus Meindarts, qui nec Paternis monitis delinitus, nec anathemate percussus ullum sibi facit furendi modum. Cum enim undique admonitus, & publicis monumentis edoctus ignorare non posset, sibi detractam fuisse à fel. rec. Clemente XII. ludicram illam Ultrajectensis Archiepiscopatus larvam, quam induere inaniter conabatur; Ac propterea vigore literarum in simili forma Brevis die VI. Octobris MDCCXXXIX. super nullitate Electionis severissimis Censuris illigatus fuisset; tamen non abstinuit falsum illud nomen usurpare, sed, ut abyssus abyssum invocat, patratum scelus novo scelere cumulavit.

§. 1. Siquidem non sine horrore, & in amaritudine animæ nostræ intelleximus eò temeritatis pervenisse, ut Sacra omnia polluens, solennibus ceremoniis initiari, consecrarique voluerit. Quid fieri debeat Filio tam degeneri, non audienti amantissimi Patris vocem, & ad Ecclesiasticæ distinctionis plagas obdurecenti, jamdiu consulimus Dominum, atque utinam auribus nostris non resonet horribilis vox illa: *Curavimus Babylonem, & non est sanata, derelinquamus eam;* quo diro fulmine nullum profecto majus.

§. 2. Quare ad Vos, Dilecti Filii, gaudium & corona nostra, omnem convertimus curam; & quò magis in proximo objecti estis lupo huic insidioso, atque implacabili, eò Vos diligentius hortamur & commonemus, ut resistatis fortes in fide, quam ab Apostolica Sede omnium

Ecclesiarum Matre & Magistra à primis usque temporibus accepistis. Nolite à semita justitiæ abduci subdolis, ac venenatis illius vocibus, quas infundere conatus est sua illa capriosa, & in simplicium subversionem, & schisma apertè tendente Epistola Pastoralis, data die 1. Decembris elapsi anni 1739. ad Gregem ex iis fortasse collectum, qui secum ambulat in tenebris, non alio sane animo conscripta, quàm ut inconfutibilem Christi Vestem scindat. Scimus, & in Domino gaudemus, Vos ab hac vera fide non aberrare; Nostra tamen Paterna caritas, & commissi Nobis licet imparibus Apostolici Ministerii ratio postulat, ut solliciti vigilemus ad vestram custodiam, nec à Vobis dejiciamus oculos, quos vaferrimus ille seductor disjungere studet à vero Christi Ovili, ut secum per vias non bonas errantes pereatis. Nam, utcumque blandiatur sibi, nemini suadebit se in Ecclesia manere, quam dilacerat pertinaci schismate.

§. 3. Ad quam profecto Ecclesiam, ut aliquando intelligat pertinere se nullo modo posse, nisi respiciat; Nos, Prædecessorum Nostrorum, Sacrarumque Legum morem, atque exempla sequuti, tradita Nobis à Cælo potestate, primùm hujusmodi nefariam Consecrationem illicitam, illegitimam, sacrilegam, ac contra Supremæ Sedis mandata, & Sacrorum Canonum sanctionem factam declaramus.

§. 4. Deindè eundem Joannem Petrum, & quotquot huic execrabili facinori operam, consilium, consensum præsterunt, auctoritate Omnipotentis Dei excommunicamus, anathematizamus, atque ab Ecclesiæ communionem segregatos, ac prorsus Schismaticos habendos, & evitandos esse iterum constituimus.

§. 5. Sciatur autem idem Joannes Petrus non solum ab iis, quæ sunt Jurisdictionis, exercendis esse suspensum, prout vigore earundem literarum Prædecessoris Nostri fuit suspensus, sed etiam ab iis, quæ sunt Ordinis. Mandamus illi propterea, districtèque interdiciamus, sub pena Excommunicationis ipso facto, & sine alia declaratione incurrendæ, ut nullo pacto, aut Chrisma conficere, Clericos ordinare, aut Virgines consecrare, aut alia Episcopalis Ordinis exercere audeat; Decernentes insuper vacuos, inanes, nulliusque prorsus roboris, ac momenti omnes, & singulos alios actus, quos attendere præsumperit. Ac proinde, qui ab ipso Ecclesiasticis Ordinibus initiati fuerint, noverint suspensionis vinculo se obstrictos, atque irregularitati propterea obnoxios, si susceptos Ordines exercuerint.

§. 6. Hanc ad sanandum propè desperatum hominis furorem, extremam medicinam adhibebimus, acrem illam quidem, sed certè necessariam: cujus profecto vim si non intelligit, miser; multò verò miserior, si intelligit, & contemnit. Reliquum est, ut, quoniam vehementer solliciti sumus, ne propinquitas morbi saniores partes trahat Christianæ Reipublicæ, Vos, Dilecti in Christo Filii, iterum, atque iterum moneamus, ut ab eo quàm diligentissimè caveatis. Quod quidem facilius promptiusque perficietis, si illud sæpius cogiteris, quod certum omnino est, atque exploratum: Neminem verè in Christi Ecclesia esse posse, nisi ejus Capiti Visibili, atque Divi Petri Cathedræ communionem consocietur. Atque Apostolicam Benedictionem Vobis, Dilecti Filii, peramanter impertimur.

Datum Romæ apud Sanctam Mariam Majorem sub Annulo Piscatoris die xxiv. Januarii MDCCXLI. Pontificatus Nostri Anno Primo.

Jo. Vincentius Lucchesinus.

ANNO
1741.

Prædicta
Consecratio
illicita, &
illegitima
declatur.

Jo. Petrus
cum fautori-
bus excom-
municatur,
& Schisma-
ticus pro-
nunciatur.

Suspensio
ab exercitio
tam jurisdic-
tionis, quàm
Ordinis.

Idem statuitur
de his,
qui ab illo
ordinati fue-
runt.

Cavendum
ab eodem
monetur.

Dat. die
24. Januarii
1741.

Declaratur.